



RELATÓRIU TRIMESTRÁL FUNDU MINA-RAI NIA
Trimestre ne'ebé termina iha 30 Juñu 2015
KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Haat nulu trimestre ne'ebé termina iha loron 30 fulan Junu tinan 2015. Relatoriu ne'e hatudu katak kapitál Fundu nian iha trimestre ikus ne'e mak billiaun US\$16,86.

Relatóriu ne'e mós hatudu katak totál reseitas mak simu iha trimester ne'e hamutuk miliaun US\$294,68 ne'ebé kompostu housi kontribuisaun kontribuinte sira ba Fundu hamutuk miliaun US\$113,68 no pagamentu *royalty* simu housi Autoridade Nasionál Petróleu (ANP) miliaun US\$180,99.

Rendimentu housi investimentu Fundu nian ne'e hamutuk miliaun -US\$15,44 kompostu housi kupaun no jurus ne'ebé simu mak miliaun US\$95,64. mudansa iha valór merkadu nian miliaun US\$203,99 no movimentu cambiais mak millaun US\$92,91 iha trimestre ne'e. Ne'e rezulta rendimentu ba karteira Fundu nian durante trimestre ne'e -0,14% enkuantu rendimentu sasukat (*benchmark*) nian ba periodu ne'e mak -0,16%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referencia iha trimestre dala haat nulu dahuluk. Diferensia entre portofoliu no pontu referencia hahú housi inísiu fundus nian mak pontu baze 3 (0,03%).

Pontu importante housi Relatóriu Trimestre ba dala XL, ne'ebé kobre período 01 fulan Abril tinan 2015 to'o loron 30 fulan Junu tinan 2015, inklui:

- Kapitál Fundus nian mak billiaun US\$16,86.
- Osan kontadu bruto fundus nian tama housi kontribuisaun kontribuinte, realeza (*royalties*) hamutuk millaun US\$294,68.
- Osan kontadu liquidu ne'ebé sai housi Fundu durante trimestre hamutuk miliaun US\$234, kompostu housi miliaun US\$230 transfere ba Orsamentu Estadu no miliaun US\$4 kobre kustus jestaun nian.
- Reseitas likidus durante trimester ne'e hamutuk miliaun US\$60,68
- Rendimentu portofoliu iha periodu ne'e mak -0,14% kompara ho rendimentu referencia mak -0,16%.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian www.bancocentral.tl

Dili 6 Agostu 2015

Nur Aini Djafar Alkatiri
Vise Governadora

BANCO CENTRAL DE TIMOR-LESTE

Avenida Bispo Medeiros
P.O. BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)